



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ
ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ ՊԵՏԱԿԱՆ ԾԱՌԱՅՈՒԹՅՈՒՆ**

Ո Ր Ո Շ ՈՒ Մ

**արտադրական գործունեությունը կասեցնելու մասին որոշման մեջ փոփոխություն
կատարելու մասին**

24 մայիսի 2018 թ.

ք. Երևան

Հայաստանի Հանրապետության գյուղատնտեսության նախարարության սննդամթերքի անվտանգության պետական ծառայության պետ Իշխան Կարապետյանս, ուսումնասիրելով անհատ ձեռնարկատեր Արման Բաբայանի վերաբերյալ հարուցված վարչական վարույթի նյութերը.

Պ Ա Ր Զ Ե Ց Ի՝

ՀՀ ԳՆ սննդամթերքի անվտանգության պետական ծառայության (այսուհետ՝ Ծառայություն) պետի 2018 թվականի ապրիլի 5-ի N 179-18 հանձնարարագրի հիման վրա անհատ ձեռնարկատեր Արման Բաբայանի հացի արտադրամասում իրականացրած ստուգման արդյունքում պարզվել է, որ արտադրամասում չեն պահվում սանիտարահիգիենիկ նորմերը.

- Հացի արտադրամասը չի պահվում մաքուր, նորոգ և պատշաճ վիճակում.
- Բոլոր սենքերը տեղակայված են այնպես, որ չի պահպանվում հոսքայնությունը. Հումքի, պատրաստի սննդամթերքի, անձնակազմի և հաճախորդների հանդիպակածց ուղիների և խաչվելու բացառումը.
- Կենցաղային հատվածները չեն համապատասխանում հիգիենայի պահանջներին.
- Ապահովված չէ կենցաղային տարածքներով/սանհանգույց՝ ձեռքերի լվացման և ախտահանման համար չկա լվացարաններ օճառով, էլեկտրաչորացուցիչներով և /կամ/ սրբիչով, ախտահանիչ լուծույթով, կախիչներով, հանդերձարան, որտեղ հագուստը. սանիտարական հագուստը և կոշիկները պահվում են առանձին.
- Փաթեթավորման գործընթացները չեն կատարվում սննդամթերքի աղտոտումը բացառող պայմաններում և հանդիսանում են սննդամթերքի աղտոտման աղբյուր.
- Հումքը և մյուս բաղադրիչները, և վերջնական արտադրանքը, որոնցում հնարավոր է ախտածին մանրէների բազմացում կամ թունավոր նյութերի առաջացում, չեն պահվում դրանց առաջացումը կամ բազմացումը բացառող խոնավության և ջերմային պայմաններում.
- Հումքը և մյուս բաղադրիչները և վերջնական արտադրանքը չեն պահվում դրանց փչացումը և աղտոտումը կանխարգելող պայմաններում:

Խախտվել է ՀՀ կառավարության 2011թ-ի հունվարի 20-ի «Սննդամթերքի հիգիենային ներկայացվող պահանջների տեխնիկական կանոնակարգը հաստատելու մասին» N 34-Ն որոշման հավելվածի 23-րդ, 25-րդ, 26-րդ, 57-րդ, 58-րդ, 60-րդ, 65-րդ կետերի պահանջները:

Սույն թվականի մայիսի 21-ին անհատ ձեռնարկատեր Արման Բաբայանը ՀՀ ԳՆ սննդամթերքի անվտանգության պետական ծառայություն հայտարարություն է ներկայացրել այն մասին, որ ֆինանսական միջոցներ չունենալու պատճառով հնարավորություն չի ունեցել ավարտին հասցնել շինարարական աշխատանքներն և վերացնել խախտումները: Ուստի խնդրում է երկարաձգել «Արտադրական գործունեությունը կասեցնելու մասին» որոշման ժամկետը մինչև 2018 թվականի հունիսի 25-ը:

Վերոգրյալի հիման վրա և ղեկավարվելով «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասով և 2-րդ մասի 1-ին կետով՝

Ո Ր Ո Շ Ե Ց Ի՝

1. ՀՀ ԳՆ սննդամթերքի անվտանգության պետական ծառայության պետի 2018 թվականի ապրիլի 16-ի՝ «Արտադրական գործունեությունը կասեցնելու մասին» որոշման 3-րդ կետում «2018թ մայիսի 16-ը» բառերը փոխարինել «2018թ հունիսի 25-ը» բառերով, իսկ 4-րդ կետում «2018թ մայիսի 18-ը» բառերը փոխարինել «2018թ հունիսի 27-ը» բառերով:
2. Սույն որոշումը կարող է բողոքարկվել վերադասության կամ դատական կարգով:

ՀՀ ԳՆ ՍՆՆԴԱՄԹԵՐՔԻ ԱՆՎՏԱՆԳՈՒԹՅԱՆ
ՊԵՏԱԿԱՆ ԾԱՌԱՅՈՒԹՅԱՆ ՊԵՏ՝

????? ??????????


Ի. ԿԱՐԱՊԵՏՅԱՆ

Կ.Տ.